

# Carmen Gratulatorium

Ædium Cæcilianarum in aduen-  
tum serenissimæ Reginae.

22. Sept. 1571.

*Prosopopæa Theobaldensis.*

Nos REGINA tui surgentia Tecta CECILLI  
Priuato stamus non male structa viro.  
Quæ tua Maiestas quum sit dignata subire,  
Digna quidem domino, Principe digna minus.  
Hei, dominus mæret, quod non satis ampla patemur,  
Nec tibi nec meritis ELIZABETA tuis.  
Nec domini voto nos respondere dolemus,  
Heu, inquit, non est iam satis ampla domus.  
Sit minus ampla tibi, PRINCEPS amplissima: vestro  
Sit splendore minor, sit bonitate minor,  
Attamen hic vires pro tempore fudimus omnes,  
Tecta, fores, aditus, cuncta reclusa patent:  
Obuia VIRGO tibi placidis occurrimus vlpis,  
Frons, habitus, vultus, læta, serenus, ouans.  
Hæc mandata dedit dominus. Tu plura mereris,  
At sors nos, PRINCEPS; plura referre vetat.  
Maiestas, bonitas sunt vestro in pectore iunctæ,  
Illi angusta domus, huic satis ampla sumus.  
Cumq; domo dominum, cum dulci coniuge natos,  
Corpora firma tibi, pectora fida damus.  
Imperio vestro parent hic omnia: summo  
Linque animas Patri: Cætera tolle tibi.  
Nuper & accessit nobis præclara columna,  
Hic COMES, hic Atlas OXONIENSIS adest:  
Cui nostra ANNA fide iam desponsata iugali,  
Grande tulit nobis alma puella decus.  
Ille tibi iuuenis iuuenili robore seruit,  
Seruit BURLEIVS mente senile tibi.  
Nec tu plura petis, nec nos dare plura valemus,  
Oh Dominus placeat, si tibi tecta minus.

ELIZABETH felix, beata sæcula multa.  
REGINA Victrix, Virgo viuat inclita.

